

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2021/62, 12.07.2021թ.

Բողոք բերող անձ՝ «Բիզնես Էլիտա» ՍՊԸ

Պատվիրատու՝ ՀՀ Շիրակի մարզի Գեղանիստի համայնքապետարան

Գնման ընթացակարգի ծածկագիրը՝ «ՇՄԳՀ-ԳՀԱՊՁԲ-21/1» գնանշման հարցում

Գնման առարկան՝ հակակարկտային կայանների ձեռքբերում

Բողոքի պահանջը՝ պարտավորեցնել թիվ «ՇՄԳՀ-ԳՀԱՊՁԲ-21/1» ծածկագրով գնման ընթացակարգի գնահատող հանձնաժողովին՝

1. չեղարկելու/վերացնելու 25.06.2021թ.-ի թիվ 2 արձանագրությունը,
2. ընդունելու «Բիզնես Էլիտա» ՍՊԸ-ի հայտը բավարար գնահատելու որոշում:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Լ. ԱՆԱՆԻԿՅԱՆ

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման

ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:



ՀՀ գնումների հետ կապված բողոքներ քննող անձին

բողոք բերող՝ «ԲԻԶՆԵՍ ԷԼԻՏԱ» ՍՊԸ
պետական գրանցման համարը՝ 29.110.01469
ՀՎՀՀ՝ 05519933

հասցե՝ ՀՀ ք. Գյումրի Ախուրյան խճ. 2ա շ. 47 բն.

տնօրեն՝ Աիդա Ռազմիկի Հակոբյան

ն/ք՝ 000903757, տրված 29.01.2013թ. 030-ի կողմից

հասցե՝ ՀՀ Շիրակի մարզ գ. Ախուրյան Զրաշինարարների բնվ. 8-րդ փող. Տուն 25

ներկայացուցիչ փաստաբան՝ Հակոբ Քոյլոյանից

փաստաբանական գործունեության արտոնագիր՝ թիվ 2707

ն/ք՝ 012715868, տրված 30.04.2020թ., 013-ի կողմից

հասցե՝ ՀՀ ք. Երևան Դավթաշեն 4-րդ թաղ. 11շ. 7բն.

հեռ՝ 099997665

էլ. փոստ՝ koyloyan27@gmail.com

պատվիրատու՝ ՀՀ Շիրակի մարզի Գեղանիստի համայնքապետարան

հասցե՝ ՀՀ Շիրակի մարզ գ. Գեղանիստ 8-րդ փող. շենք 1

գնման ընթացակարգի ծածկագիրը և առարկան՝

ՀՀ Շիրակի մարզի Գեղանիստի համայնքապետարանի կարիքների

համար «ՀՀ Շիրակի մարզի Գեղանիստ համայնքի հակակարկտային

կայանների ձեռք բերման և տեղակայման» ձեռքբերման նպատակով

հայտարարված թիվ «ՇՄԳՀ-ԳՀԱՊՁԲ-21/1» ծածկագրով գնանշման հարցում

ԲՈՂՈՔ

թիվ ՇՄԳՀ-ԳՀԱՊՁԲ-21/1 գնման ընթացակարգի վերաբերյալ

1. բողոքի քննության համար էական նշանակություն ունեցող փաստական հանգամանքները.

- 1.1. ՀՀ Շիրակի մարզի Գեղանիստի համայնքապետարանը (այսուհետ նաև Պատվիրատու) իր կարիքների համար «ՀՀ Շիրակի մարզի Գեղանիստ համայնքի հակակարկտային կայանների ձեռք բերման և տեղակայման» ձեռքբերման նպատակով 09.06.2021 թվականին հրապարակել է թիվ «ՇՄԳՀ-ԳՀԱՊՁԲ-21/1» գնանշման հարցումը (այսուհետ նաև Գնման ընթացակարգ):
- 1.2. Վերոհիշյալ գնման ընթացակարգին մասնակցության հայտ է ներկայացրել նաև «ԲԻԶՆԵՍ ԷԼԻՏԱ» ՍՊ ընկերությունը (այսուհետ նաև Մասնակից), որը ընդունվել է Պատվիրատուի կողմից:
- 1.3. Գնման ընթացակարգի գնահատող հանձնաժողովը 16.06.2021 թվականի թիվ 1 արձանագրությամբ կասեցրեց հայտերի բացման և գնահատման նիստը Կարգի 67-

րդ կետի հիմքով «ԲԻՉՆԵՍ ԷԼԻՏԱ» ՍՊ ընկերության կողմից ներկայացված տվյալների իսկության ստուգման նպատակով:

- 1.4. Գնման ընթացակարգի հայտերի բացման և գնահատման նիստի շրջանակում հայտերը գահատող հանձնաժողովը հայտերը բացելուց հետո թիվ 2 արձանագրությամբ 25.06.2021 թվականին արձանագրել է այն, որ Մասնակցի կողմից ներկայացված հայտի ծրարի վրա բացակայում է ծածկագիրը և այդ հիմքով որոշեց ընթացակարգը հայտարարել չկայացած:

2. բողոքի փաստական և իրավական հիմնավորումները.

Գնումների մասին ՀՀ օրենքի 30-րդ հոդվածի համաձայն՝

1. Մասնակիցը չի կարող նույն ընթացակարգին ներկայացնել մեկից ավելի հայտ: Մասնակիցը հայտը ներկայացնում է հրավերով սահմանված կարգով: Հայտը ներառում է մասնակցի հաստատած՝

1) հրավերի պահանջներին իր տվյալների համապատասխանության մասին հայտարարությունը.

2) գնային առաջարկը.

3) ոչ գնային առաջարկը (տեխնիկական առաջարկ կամ տեխնիկական բնութագիր), եթե հրավերով նախատեսված է.

4) հրավերով նախատեսված այլ փաստաթղթեր (տեղեկություններ):

2. Փաստաթղթային ձևով հայտը ներկայացվելու դեպքում մասնակցի առաջարկները, դրանց վերաբերող փաստաթղթերը դրվում են ծրարի մեջ, որը ստնձում է այն ներկայացնողը: Ծրարում ներառված փաստաթղթերը կազմվում են բնօրինակից և հրավերում նշված թվով պատճեններից: Փաստաթղթերի փաթեթների վրա համապատասխանաբար գրվում են «բնօրինակ» և «պատճեն» բառերը: Ծրարը և հրավերով նախատեսված՝ մասնակցի կազմած փաստաթղթերն ստորագրում է դրանք ներկայացնող անձը կամ վերջինիս լիազորած անձը (այսուհետ՝ գործակալ): Եթե հայտը ներկայացնում է գործակալը, ապա հայտով ներկայացվում է վերջինիս այդ լիազորությունը վերապահված լինելու մասին փաստաթուղթ:

3. Սույն հոդվածի 2-րդ մասում նշված ծրարի վրա հայտը կազմելու լեզվով նշվում են՝

1) պատվիրատուի անվանումը և հայտի ներկայացման վայրը (հասցեն).

2) մրցույթի ծածկագիրը.

3) «չբացել մինչև հայտերի բացման նիստը» բառերը.

4) մասնակցի անվանումը (անունը), գտնվելու վայրը և հեռախոսահամարը:

4. Հայտերը քարտուղարը գրանցում է գրանցամատյանում՝ ըստ ստացման հերթականության՝ ծրարի վրա նշելով գրանցման համարը, օրը և ժամը: Մասնակցի պահանջով այդ մասին տրվում է տեղեկանք:

5. Սույն հոդվածի պահանջներին չհամապատասխանող հայտերը գնահատող հանձնաժողովը հայտերի բացման նիստում մերժում է և նույնությամբ վերադարձնում ներկայացնողին:

6. (...):

Նույն օրենքի 33-րդ հոդվածի 2-րդ մասի համաձայն՝ հայտերի բացման նիստում հրապարակվում են՝

1) հայտ ներկայացրած յուրաքանչյուր մասնակցի անվանումը (անունը)։

2) տեղեկություններ՝ հայտեր պարունակող ծրարների կազմման և ներկայացման՝ հրավերի պահանջներին համապատասխանության վերաբերյալ։

3) տեղեկություններ՝ բացված յուրաքանչյուր ծրարում հրավերով պահանջվող փաստաթղթերի առկայության վերաբերյալ։

4) (...):

Իսկ նույն հոդվածի 3-րդ մասի համաձայն՝ Հայտերը բացվելուց հետո կազմվում է արձանագրություն, որը կցվում է գնման ընթացակարգի արձանագրությանը։ Արձանագրությունն ստորագրում են գնահատող հանձնաժողովի նիստին ներկա անդամները։ Արձանագրությունը պարունակում է՝

1) տեղեկություն՝ հայտերի բացման վայրի, օրվա և ժամի մասին։

2) հայտեր ներկայացրած մասնակիցների անվանումները (անունները) և հասցեները։

3) տվյալներ՝ ծրարների կազմման և ներկայացման՝ հրավերի պահանջներին համապատասխանության մասին։

4) տվյալներ՝ բացված յուրաքանչյուր ծրարում հրավերով պահանջվող փաստաթղթերի առկայության մասին։

5) (...):

ՀՀ կառավարության 04.05.2017 թվականի թիվ 526-Ն որոշմամբ հաստատված գնումների գործընթացի կազմակերպման կարգի (այսուհետ՝ Կարգ) 40-րդ կետի համաձայն՝ Հայտերի բացման և գնահատման նիստում՝

1) նախագահը (նիստը նախագահողը) նիստը հայտարարում է բացված և հրապարակում է գնման հայտով սահմանված՝ տվյալ ընթացակարգի շրջանակում գնվելիք ապրանքների, աշխատանքների կամ ծառայությունների գինը՝ մեկ թվով արտահայտված։ Հանձնաժողովի քարտուղարը հաղորդում է տեղեկատվություն գրանցամատյանում կատարված գրառումների մասին և հանձնաժողովի նախագահին է փոխանցում հայտերի գրանցամատյանը, դրա անբաժանելի մասը հանդիսացող մյուս փաստաթղթերը և գրանցված հայտերը։

2) սույն կետի 1-ին ենթակետում նշված փաստաթղթերը նախագահին (նիստը նախագահողին) փոխանցվելուց հետո հանձնաժողովը գնահատում է՝

ա. հայտեր պարունակող ծրարները կազմելու և ներկայացնելու համապատասխանությունը սահմանված կարգին և բացում համապատասխանող գնահատված հայտերը,

բ. բացված յուրաքանչյուր ծրարում պահանջվող (նախատեսված) փաստաթղթերի առկայությունը և դրանց կազմման համապատասխանությունը հրավերով սահմանված վավերապայմաններին։

3) հանձնաժողովի նախագահը հայտարարում է հայտեր ներկայացրած մասնակիցների գնային առաջարկները՝ մեկ թվով արտահայտված, հիմք ընդունելով տառերով գրվածը։

4) հանձնաժողովը մերժում է այն հայտերը, որոնցում բացակայում է գնային առաջարկը, կամ եթե այն ներկայացված է հրավերի պահանջներին անհամապատասխան, բացառությամբ սույն կարգի 41-րդ կետով նախատեսված

դեպքի: Գնումն էլեկտրոնային համակարգով իրականացվելու դեպքում հիմք է ընդունվում համակարգում կցված՝ մասնակցի կողմից հաստատված գնային առաջարկը:

5) (...):

Նշված իրավանորմերի վերլուծությունից հետևում է, որ մասնակցի կողմից գնման ընթացակարգի շրջանակում, եթե հայտը ներկայացվում է թղթային եղանակով, ապա այն պետք է ներկայացվի փակ ծրարով, որի վրա պետք է նշված լինի հետևյալ տվյալները՝

պատվիրատուի անվանումը և հայտի ներկայացման վայրը (հասցեն)։

2) մրցույթի ծածկագիրը:

3) «չբացել մինչև հայտերի բացման նիստը» բառերը:

4) մասնակցի անվանումը (անունը), գտնվելու վայրը և հեռախոսահամարը:

Վերոգրյալ ձևաչափը մասնակցի կողմից չպահպանելու դեպքում հայտերը գնահատող հանձնաժողովը հայտերի բացման նիստում մերժում է այն և նույնությամբ վերադարձնում ներկայացնողին: Նշվածից հետևում է, որ օրենսդիրը մասնակցի համար սահմանել է ինչպես հայտի ներկայացման դեպքում փակ ծրարի և դրա վրա նշվող տեղեկությունների պարտադիր վավերապայման, իսկ պատվիրատուի և/կամ գնահատող հանձնաժողովի համար սահմանել է հայտի մերժման և մասնակցի կողմից ներկայացված փակ ծրարը նույնությամբ ներկայացնողին վերադարձնելու և հայտը մերժելու պարտականություն, եթե ծրարի վրա առկա չէ օրենքով նախատեսված ամբողջ տեղեկատվությունը: Օրենսդրի կողմից նման պայմանի սահմանումը ինքնանպատակ չէ, այն ուղղված է սահմանափակելու գնման ընթացակարգի շրջանակում, ոչ իրավաչափ միջամտությունը, մրցակցային կանոնների սահմանումը և մինչև հայտերի բացումը յուրաքանչյուր մասնակցի կողմից ներկայացված հայտի նույնականացումը: Ընդ որում նշվածը քննարկման առարկա պետք է դառնա մինչև հայտերի բացումը, որի վեաբերյալ արձանագրումը պետք է կատարվի հայտերի բացման և գնահատման արձանագրությամբ: Մասնակցի կողմից ներկայացված հայտի բացումը և ներկայացված փաստաթղթերի հրավերի պահանջների համապատասխանությունը պետք է հաջորդի երոգրային և այն բոլոր դեպքերում երբ բացվում է մասնակցի հայտը պետք է փաստել, որ մասնակցի կողմից ներկայացված հայտը կազմվել է Գնումների մասին ՀՀ օրենքի 30-րդ հոդվածին համապատասխան:

Ի դեպ պետք է արձանագրել նաև, որ մասնակցի կողմից ներկայացված հայտ բացելու պարագայում գնահատող հանձնաժողովը ունեցել է բավարար հիմքեր որոշելու համար, թե՞ որ գնման ընթացակարգի շրջանակում է ներկայացված հայտը և այն բացելուց հետո քնականաբար, առկա է բավարար հիմնավորումներ այդ մասին, եթե հայտը կազմված է հրավերի պահանջներին անհամապատասխան:

Պետք է փաստել նաև, որ օրենսդիրը հայտերի բացման և գնահատման նիստում գնահատող հանձնաժողովին հայտերի բացումից հայտի մերժման լիազորություն է տվել միայն այն դեպքերում, երբ բացակայում է գնային առաջարկը, կամ եթե այն ներկայացված է հրավերի պահանջներին անհամապատասխան, բացառությամբ սույն կարգի 41-րդ կետով նախատեսված դեպքի: Ուստի գնահատող հանձնաժողովը իր լիազորությունների շրջանակով կաշկանդված է, եթե բացել է մասնակցի կողմից ներկայացված հայտը: Յուրաքանչյուր գործողության համար օրենսդրի կողմից գնահատող հանձնաժողովին քայլերի հերթականություն մշակելը բխում է այն

իրավաչափ պահանջից, որպեսզի օրինակ գնահատող հանձնաժողովի որոշումները չլինեն սուբյեկտիվ և հայտը բացելուց հետո, մասնակցի կողմից ներկայացված գնային առաջարկին ծանոթանալուց հետո, որոշվի որոշակի պատճառներով մերժել նրա ներկայացրած հայտը, եթե առկա են այդպիսի հիմքեր, ապա դրանց վերաբերյալ որոշումները պետք է կայացվեն օրենսդրի կողմից նման որոշում կայացնելու լիազորության ժամանակահատվածու, իսկ հայտերի բացումից հետո գնահատող հանձնաժողովը մասնակցի հայտը կարող է մերժել երկու դեպքում՝ 1-ին, երբ ներկայացված հայտում բացակայում է գնային առաջարկը և երկրորդ երբ Կարգի 41-րդ հոդվածի համաձայն արձանագրված է անհամապատասխանություն, որը մասնակցի կողմից չի շտկվել օրերով սահմանված կարգով, հակառակ դեպքում գնահատող հանձնաժողովը չունի հայտ մերժելու լիազորություն և նրա կողմից կատարվող գործողությունները կլինեն ոչ իրավաչափ:

Նշվածը համադրելով սույն գործի փաստերի հետ, պետք է արձանագրել հետևյալը, որ գնահատող հանձնաժողովը 16.06.2021 թվականի թիվ 1 արձանագրային որոշմամբ «ԲԻՉՆԵՍ ԷԼԻՏԱ» ՍՊ ընկերության հայտը գնահատել է բավարար, ուստի արդեն իսկ փաստելով ներկայացված հայտի իրավաչափությունը և ձեռնամուխ է եղել Ընկերության կողմից ներկայացված տվյալների իսկության ստուգմանը, այն էլ Բարվա ՍՊԸ դիմումի հիման վրա, ամենայն հավանականությամբ արձանագրելով տվյալների համապատասխանությունը այլ ելք չի ունեցել «ԲԻՉՆԵՍ ԷԼԻՏԱ» ՍՊ ընկերությանը գնման ընթացակարգից դուրս թողնելու համար, որով պայմանավորված հիշել է, որ «ԲԻՉՆԵՍ ԷԼԻՏԱ» ՍՊ ընկերության կողմից ներկայացված ծրարի վրա բացակայում է մրցույթի ծածկագիրը, մոռանալով այն մասին, որ մինչ այդ գնահատել է «ԲԻՉՆԵՍ ԷԼԻՏԱ» ՍՊ ընկերության հայտը թիվ «ՇՄԳՀ-ԳՀԱՊԶԲ-21/1» գնման ընթացակարգի շրջանակում և գնահատել բավարար և 16.06.2021 թվականի թիվ 1 արձանագրության ուժի մեջ լինելու հիմքով պայմանավորված 25.06.2021 թվականին ընդունվել է ոչ իրավաչափ թիվ 2 արձանագրային որոշումը:

Ինչ վերաբերվում է Գնումների մասին ՀՀ օրենքի 37-րդ հոդվածի 1-ին մասի 1-ին կետի հիմքով գնման ընթացակարգը չկայացած ճանաչելուն առնվազն անտրամաբանական է, քանզի նշված իրավակարգավորումը գնման ընթացակարգը չկայացած հայտարարելու իրավասություն սահմանում է այն դեպքում, երբ հայտերից ոչ մեկը չի համապատասխանում իրավերի պահանջներին: Եթե նույնիսկ դիտարկենք այն հանգամանքը, որ ծրարի վրա առկա չէ ընթացակարգի ծածկագիրը, ապա այս դեպքում ծրարը պետք է նույնությամբ վերադարձվեր այն ներկայացնողին, առանց բացելու, իսկ այն բացելուց հետո և բավարար գնահատելուց հետո, նշել, որ հայտը չի համապատասխանում իրավերի պահանջներին, չարձանագրել, թե՛ որ պահանջին չի համապատասխանում և չներկայացնել շտկման ու արդյունքում մերժել Գնումների մասին ՀՀ օրենքի 37-րդ հոդվածի 1-ին մասի 1-ին կետի հիմքով, ապա պետք է փաստել, որ գնահատող հանձնաժողովը գործել է ոչ իրավաչափ: Եվ իվերջո հայտը, դա ոչ թե ծրարն է, այլ այդ նույն ծրարի մեջ դրված փաստաթղթերն են կազմում հայտ,

իսկ շրարը այն եղանակն է, որով ներկայացվում է հայտը: Ամփոփելով հայտնեմ, որ եթե նույնիսկ գնման ընթացակարգի գնահատող հանձնաժողովը դիտարկում էր այն փաստը, որ հայտը չի համապատասխանում հրավերի պահանջներին, ապա պետք է Կարգի 41-րդ կետի հիմքով արձանագրեր անհամապատասխանությունը, մեկ աշխատանքային օրեով կասեցների հայտերի բացման և գնահատման նիստը, իսկ քարտուղարը ծանուցեր արձանագրված անհամապատասխանությունը շտկելու նպատակով, որի չշտկման դեպքում նոր միայն հանձնաժողովը կարող էր գտնահատել «ԲԻՉՆԵՍ ԷԼԻՏԱ» ՍՊ ընկերության հայտը հրավերի պահանջներին չհամապատասխանելու փաստը և գնման ընթացակարգը հայատարարել չկայացած:

3. Բողոքի պահանջը.

Առաջնորդվելով վերոգրյալով և ղեկավարվելով Գնումների մասին ՀՀ օրենքի 46-րդ և 50-րդ հոդվածներով.

Խնդրում եմ

Պարտավորեցնել թիվ «ՇՄԳՀ-ԳՀԱՊՁԲ-21/1» գնման ընթացակարգի գնահատող հանձնաժողովին՝

- Չեղարկելու/վերացնելու 25.06.2021 թվականի թիվ 2 արձանագրությունը:
- ընդունելու «ԲԻՉՆԵՍ ԷԼԻՏԱ» ՍՊ ընկերության հայտը բավարար գնահատելու որոշում:

Կից ներկայացվող փաստաթղթերի ցանկը.

- «ԲԻՉՆԵՍ ԷԼԻՏԱ» ՍՊ ընկերության՝ ՀՀ ԱՆ իրավաբանական անձանց պետական ռեգիստրի կողմից տրված պետական ռեգիստրի վկայականի պատճենը.
- «ԲԻՉՆԵՍ ԷԼԻՏԱ» ՍՊ ընկերության տնօրենի Ն/Ք պատճենը.
- «ԲԻՉՆԵՍ ԷԼԻՏԱ» ՍՊ ընկերության կողմից տրված լիազորագիրը.
- նույնականացման քարտիս պատճենը.
- փաստաբանական գործունեության արտոնագրիս պատճենը.
- պետական տուրքի վճարման փաստը հավաստող ապացույց:

12.07.2021թ.

Հարգանքով՝

«ԲԻՉՆԵՍ ԷԼԻՏԱ» ՍՊԸ ներկայացուցիչ
փաստաբան Հակոբ Քոչլոյան

